

法
山
集
卷一



雲仙集叙



詩凡若干首樂府賦頌歌行若干篇
從弟榛集乃尊宗對雲仙子之所作
也雲仙亦學者爾潛心妙年克就晚
歲孜孜罔怠廿餘春可謂之勤乃嗣
克紹厥猷尋弗墜欲鋟諸梓以傳永
弗泯厥德集旣成請余叙南山子曰

夫詩豈易云乎哉有道而已若宋儒所謂刪後無詩何其視卑來之學也傳曰誦詩三百授之以政不達使於四方不能專對雖多亦奚以爲大抵道載無容別技是故詩工弗工亦各言其志也俾風人之義不悖於正道人之旨不流於淫上而致君堯舜下

而澤民康平教載一時關於萬世風澗乎被諸管絃鏗鏗鏘鏘協以音律和平則雅亦或庶幾詩矣自夫漢魏以迄我

朝學士君子述作豈啻千家若然盡可與草木腐乎安得謂其非詩也耶固人才有長短學問有優劣識乎忠

邪言乎深淺發而爲詩爲歌從而所
出鳥可逃諸目哉達者纔覽如鑑臨
物秋毫難免權衡錙銖甄別則有定
分投筆之間釣輶載焉故曰詩豈易
云乎哉有道而已雲仙集者若樸而
純清而婉悲而不怨亦足知其美也
然則拔類出萃品第是非余曷敢能

尚俟正諸後之君子云

大明嘉靖己亥歲夏吉月良辰

潘潘南山識



叙畢

序雲仙集

瑋老家在問學退廢雖勉聞道而文非所長也
近得雲仙集披閱之老目昏耗不能以盡及觀
六子詩一爲瑋言吁瑋何人哉俾未識賢宗而
稱揚若是瑋寧得不感激於心哉夫文章與時
高下不有道德畜於中而爲之文徒詞也非性
情之正而爲詩徒言也瑋觀雲仙集蓋有是道
而得性情之正者在古昔先秦文不假刀鑿而
言當義漢魏以來詞多儷猶可言也晉唐宋間
有意爲之或至或否未必盡道而詩亦若是惟

我 皇家取士以實學教人以倫理而道德猶
斯以至詩與文靡可徒言近士大夫學字人能
之亦有未至焉者 宗藩尊貴不以膏梁馳騁
音樂為娛能為詩文其非學道者有是哉瑯不
伎觀雲仙詩文足仰其賢而知 瀋瀋宗英尚
有人也因走書以謝雲仙書以請序瑯老不能
文姑以是為言世有子雲者必愛玄書而重之
矣

嘉靖庚子二月致仕禮部右侍郎懷慶老朽何
瑯書

雲仙集叙

大造無聲機動籟鳴風行水上文從生
焉是故鶴樓得句鳳臺成篇盤谷歸而
序興醉翁醒而記作君子之於言非有
意焉以為之也亦各述其機之所感焉
爾矣

雲仙為宗國鉅獻神解超逸博極書史
居常以為善為樂忽景與心諧事與意
適則欣然發為文章詩賦浩如風雲沛
如江河燦如星月以陶性情之真以鳴

國家之盛其揮筆命緒若無意於言之工拙而近世操觚之士莫或先焉豈亦言以時出順其天則機籟相感風水相成者與然言一也而心術邪正天下治忽恒必由之追惟古昔明良喜起之歌典謨訓誥之文敷之而為治垂之而為經蓋其天者全也是故全其天弗鑿以人養其中弗淫於習然後其作始渾然天成足以收感應之全功矣乃若言弗由衷機非真感而惟聲律體裁之擬斯所

謂藝焉已爾君子曷尚焉愚非知言者也覽

雲仙之作而有感焉用僭數語於末行讀斯集者知其志之所尚焉爾
監察御史漳野李新芳書



嘉靖庚戌夏僕奉

朝命至瀋藩謁宗老鎮國雲仙翁出其詩文雜著若干篇僕閱之都備古今體富且瞻既畢掩卷嘆曰古人有言世祿之家鮮克由禮又云生於深宮之中長於婦寺之手未嘗知憂未嘗知懼斯言也謂非道其常邪然不有奇異拔出之才生其間而不狃於習者蓋難能者也今雲仙翁詩辭調暢閒澹善能發其志意其文典質近道機綜變化多類古名家其與遠禮而不知憂懼者何其相絕也將僕所

謂奇異拔出之才非邪僕嘗考古宗室之賢者若漢之劉更生遭時否塞才擯而不用然經術忠義至於今尤稱卓然未或有儼之也雲仙翁開說陳誠必自傳於禮義所指切世務又多稱情實而詩歌倉卒亦不悖於性情其殆有意哉漢之更生歟際時休明閒老而無用此僕之所深惜也然僕又嘆夫章縫之士幼而習之亦長而漸之學成則爵之於朝其終始所爲無非立德立言立功之事也然其學每每僅至於可以得利祿止矣其高齋

遠邁卓然能自致於古人者蓋鮮也是非其見誘於外者多而所得於中者淺邪雲仙以宗藩懿親名位素定無爵祿以誘之於前嚴父師以督察之於後而力求自致於古人之列老而未厭其意其勤於自樹有足觀者可不謂難能哉視章縫之士終身爲之而不圖其至者又何相遠也嗚呼此僕所以卑世之利祿爲學也此世所以多爵祿之士也

賜同進士出身行人司行人蘭谿道峯章造書

雲仙集序

皇朝治化文運漸清既久今

聖上興禮樂制度稽古右文字內雍睦

藩國主睿德至善文學允茂國政煥然時則有
若

宗室雲仙以大雅敏博之賢達德不凡之蘊志
存經世言則古昔撫景述事歌咏太平斯一時
之盛也夫治運常邈而難遇大音必合而後完
如古詩歌所傳者大率流離憤歎之聲多而安
樂和平之音少言之難可知也是故世治則聲

和人安則境順心逸則迹厚學正則辭雅此四則者文之大端也宏讀

雲仙集而有是道焉可謂治世之音矣夫一代之運必有賢才敷治理而發英華見於載籍者甚衆若子產之禮愛叔向之義直叔孫穆子之辭命延陵之禮樂屈三閭之忠直劉子政之博雅曹子建李太白之藻思卓犖聰明邁逸流輩咸出於公族之中豈非靈樞所漸龍性殊常者哉今

雲仙德言之善復出於宗室而材畧志意往往可見殆有光於前人矣乃若斯集其於風雅離騷漢唐古今之什皆有以究其義而得其體人情物理無不該備蒼雅渾浩足匹古人矣夫處富貴之中而好學不倦言能成家殆宗族鮮儷亦時未易有也然揆厥所遇衣被於化理而風興於

懿範斯治世之音若有周之盛洋洋乎可謂隆矣

嘉靖辛丑仲冬至日郡士栗應宏敬序

雲仙集卷之一目錄

風雅類

圓丘

河清

白雀

國嗣頌

行車

春鳥

漳之水

棲棲

南昌

停雲

雲仙集卷之一

雲仙散人著

姪子南峯胤孺子胤據校正

風雅類

圓丘

圓丘頌分祀也昔我

皇祖合祀

天地嘉靖庚寅

皇上始郊

天於圓丘考古典也臣勛澈蒙詔與爾書至

王府拜首稽首作頌以紀焉

惟日南至帝郊於天周典是稽古禮篤存圓丘
寔望蒼蒼式臨

皇祖允配對越誠禋

昊天穆穆 皇心感昭俎登式陳大樂招招滌
潔牲牷柴爇燔燎馨香芳醴縮之白茅

皇乃式恭 皇思 祖猷大祀典則百世是脩

臣工精白顛顛以周 帝誠鑒下歆格爲邁

上帝之享 皇祖猶同忻忻而和風露交明湛

澤下土禮備樂成 天子百福萬方頌聲

圓丘四章章八句

河清

河清紀黃河清也古稱黃河千年一清正
德丁卯河清千里實我

皇上誕生焉嘉靖壬辰巳東屢清地祇郊靈臣
勛澈無任忻忭作頌以擬 聖美

大河潢潢千年一清今斯澈澈 聖人以生昌
期以應萬載永貞

地祇於穆冥冥以明惟河之清 帝德是盈至
柔合道玄德以升

坤厚承載泉源永長發自太虛動靜其常鑒昭
萬彙品物以享

皇心澄直河伯郊靈 皇惟敬一河乃激清
天定鑿之 上下感通

河清四童章六句

白雀

白雀頌

聖孝也嘉靖辛卯七月鄭王獻

白雀二適我

獻皇世廟成

聖母徽稱

允 皇上孝思方擴感

天生祥臣勛澈

拜首頌曰

惟皇孝思格於高 天考廟 神依於昭永
亦既允懷百世不遷

惟以不遷子孫保之無競惟列不顯庸之昭昭
在上子孫遐思

聖母萬壽聿福無疆惟山惟嶽惟河惟江思
皇之孝四海永康

惟此孝思 上極於 天生此祥禽孝思殷殷
祥禽惟何素質白翮載飛載鳴昭於王國耿耿
寸心聿爾丹室為萬方式

上帝有命求言一心配命於 天惟祥降臨

天子萬年宜爾子孫

白雀五章四章章六句一

章章十一句

國嗣頌

嘉靖辛卯五月戊申

藩王殿下宮 正妃子生宗室藩臣與

朝之縉紳咸稱慶焉用作雅歌以備絃筦

於皇簡祖降鑒後人后王承之惟貞惟純咸有

一德家尚孝仁忠誠格

帝守藩保國世子克昌衆子允集

皇帝嘉靖歲舍辛卯

天降厥祥介子寔觀載弄之璋王妃之宮煦煦
佳氣燁燁祥光王曰訢哉奏報

皇帝 玉牒是封太史是記乃告五廟五廟克
承 安惠昭假洋洋其靈奉見

國母國母丕說錫以金錢永膺壽福王拜稽首
仰神謝

天麟趾之盛瓜瓞之綿惟我宗人舞蹈懽忭湯
餅是將玉果是獻惟王盛德永言

天眷國祚以昌子孫以美振振王子百世本支

繼繼繩繩萬年於斯

行車

行車與車行也

載馳之車時坎時軻不逢周行嗟爾之何
載馳之車時軻時坎不逢康莊嗟行豈遠

行車二章章四句

春鳥

春鳥思友也

關關春鳥止於高丘念被君子有懷彼悠
嗈嗈春鳥止於高岡念被君子有懷揚揚

春鳥二章章四句

漳之水

漳之水送友也

漳之水清且深送君朝天兮念君之仁水流悠
悠兮實勞我心

漳之水澄無波送君朝天兮戒懷思何水流泛
泛兮實獲我哨歌

漳之水不可以游兮碩人之遠兮不可以援兮
漳水汜汜兮嬖君之至兮碩之登樞兮俾我以
吁兮

漳之水四章二章章六句
二章章四句

淒淒

淒淒懷友也

淒淒衡門悠悠我心日月云邁達德莫倫志意
匪懈酒無好音君子不見懷念已深惟君子哉
胡為迷津惟我有酒宜醉且沉

淒淒山河悠悠長河日月云逝德音無多志意
慷慨話言豈訛君子不見思之伊何惟君子哉
胡為之他惟我有酒宜醉且歌

淒淒二章章十二句

南昌

南昌風逆也

逆豎貽亂賊流海中朝政益急南昌扇風毒流
江右雷我生魂妄窺神器四國靡寧天子赫
怒六師往征有謀王臣先幾預發操舟聿來揚
厥巢穴長鯨失依回顧以蹶渠魁受首醜俘於
闕變真至止南京駐驛功賞有間淮南已畢萬
方以瞻天子衍遊不有閹寺奸究奚由維藩
之逆管蔡豈異誅鷓鴣之詩王室伊誰明明我

祖爲天之配天實鑑之亂階平治人君之德何
有於斯人臣懷忠永世之期萬年神龜敢用畏
之

停雲

陶翁停雲魚彼親友我情有肖緬懷猶深
高韻載賡嗟莫及

颼颼清風飄飄微雨遙山磊磊道途泥阻顧盼
庭柯停雲可撫緬懷良朋寥寥獨佇
清風悠悠微雨濛濛磊磊山流泉如江言念
君子獨坐南窗安得長翬菲彼相從

百華競芳春日載榮雖有他人安悅我情日獨
不見歲云徂征回首延望念彼女生
醲醲新醪煮以枯柯幽懷不舒飲酒豈和掩戶
獨坐相思日多寄言孤雲飄飄若何

雲仙集卷之二

雲仙集目錄卷之二

樂府歌行體

遠如期

艷歌行

善哉行

烏生八九子

緩歌行

古行路難

楊白花

沐浴子

大堤曲

塞上曲

擬古歌辭

明妃曲二首

銅雀妓

梁甫吟

黃鵠歌

獨漉篇

戰城南

巫山高

塘上行

易水歌

俠客行

上之回

五雜組二首

自君之出矣二首

投珠行

二忠詞 宋龍門立

馬鞍山

鷓鴣啼

禽言六首

新鶯百轉歌

臨高臺

襄陽歌

南都行

江上吟

長干行

玉壺吟

塞垣曲

棹歌行

寒鴉行

除夕行

遼陽歌

招秋山不至歌

東谷丘隱士歌

小亭雜歌六首

大同軍叛亂謹

夏日登圓通閣

宮人入道歌

大江行

黃河篇

天馬歌

春光行

貧交行

雲仙集卷之二

雲仙散人著

姪于南岑胤挺子胤榛校正

遠如期

皇道蕩蕩泰道開普天熙熙登春臺海波不揚
露雨至聖王治世五穀培萬民忻忻樂業哉四
夷底靖兵戈回我后明明賢哲來萬億千壽春
無涯遠如期兮如無懷遠如期兮如無懷

艷歌行

馬牛能致遠風氣無不通君不相見如西與東

一解采采織為衣披服常自好為君不見憐容華
空自老三解我有明月珠揣入紅羅襦採取欲相
贈思君應不知三解我有白玉環繫在錦臂鞢回
頭恐相失常爾涕泗流四解日月在天一出沒
胡不常會光明遙燭五解海上仙山仙人綽約縹
渺煙霞無情自樂六解

善哉行

猛虎在山長蛇在穴大道允平重華有德一解廣
運施張衆賢畢良飲酒胥樂四顧永康二解我生
伊何上接天明銀潢耿耿昭如日星三解君子造

朝東嶽一解為帝力何有臣民庶斯四解南山有松
北山有栢惟願君壽如山如石五解我實六解為無
何以為時登高臺極目望七解哉八解

鳥生八九子

古栢生庭隅枝幹長參天上有老鳥結巢安老
鳥一生八九子春風夜夜均哺爾一解雛鳴悲憂
不已猶恐巢風小鳥委忽爾衆雛羽翼全飛飛
直上栢樹顛一朝老鳥老自苦倦飛不過東西
路小鳥返哺但一二八九子者未必皆自來顧老
鳥老鳥空啼明月栢樹枯

緩歌行

擗鼓聲鐘堂振發邈賓揖主堦前作禮數既恭
酬勸頻就中懽樂難俱陳有客向隅偶然泣四
座慘慘生愁心

古行路難

五侯昔日隆盛時滿堂賓客皆回首炙手可熱
禮數異醉飽酒肉誓言生死隨遊握手共結識使
吐肝膽常相示孰知一旦世能更賓客星散無
以從家夷骨肉莫相保可憐誰憶當年好

揚白花

揚白花風吹過江湄隨風飄蕩不知處空餘揚
葉風前垂江心化萍任流浪可憐獨有春風悲

沐浴子

彈冠振衣君莫說果然處世忌太潔洗垢何如
滌此心沐膏豈似無亂髮白鷗江畔一漁子終
日波間少泥滓

大堤曲

大堤女兒不知歸終日堤邊自澣衣夫君不見
空淚垂楊柳青青牽長絲長絲不斷風前亂堤
水縈迴人莫知

塞上曲

燕然之南大同北風雲萬里常陰鬱胡歲歲
拆長城夜挖敦薨率閑入各保居民每被傷牛
羊席卷歸異域膏上烽煙飛上天城中銳炮方
爾傳號頭響處軍卒發大將優優顧倉卒夷器
將之亦報功殺人流血皆滅跡文書奏急請太
倉客兵又來支官糧安得孝宗主太傅一掃
胡庭擒吉囊

擬石歌辭

隨珠價連城趙璧非千金衆人貴寶貴方爾珍棄

之於野翠瓦塵燕石收職亦自重和氏豈可輕
其真

明妃曲二首

王嬙恃紅顏不賄丹青人君王有所敝美色空
沉淪萬里去嫁單于子蛾眉等閑愁悶死明珠
休嗟不遇時古來間隔人難知

二

妾顏雖好敢自誇妾居別院徒咨嗟紅顏深閉
人莫識空向春風羞艷色當時豈在丹青筆宮
中負恃始亦多胡塵眯目奈爾何琵琶彈向毡

裘日不怨君王悲異域

銅雀妓

分香老曠最重色高堂幸寵堪嗟及總悵空餘
鎖二橋漳流不到疑墳側嬌姿悵悵當自憐百
年榮悴還堪嘆

梁甫吟

秦嗟三良沒齊以二桃悲壯士殺身豈小諒古
人一死心不回

黃鵠歌

黃鵠飛兮一舉千里霄芒旦兮任高者翥總有虞

羅兮莫留羽天闊遠兮不知處

獨漉篇

獨漉獨漉水深泥濁乘舟柰何猶恐舟覆駕車
長往途窮路促愁看野林日暮林深虎吼猿啼
憂勞我心天寒夜陰不見月獨卧崖石但悲泣
明朝日出視周行萬里豈憚恒行役

戰城南

風雲慘淡日色昏鼓鼙鼙兮耳莫聞馬鳴蕭蕭
迷黃塵斯時焉知鬼與鬼尸血川原首領異金
角不鳴軍不追殺人滿野虜騎回殘兵痛哭千

聲哀爺娘妻子眼不見負甲挈戈天地變男兒
及壯當報國雖死沙場亦何怨

巫山高

十二峯頭雲雨多十二峯下飛巫娥襄王夢寐
亦何有巫山空爾高嵯峨可憐父子兩遇此豈
是宋玉言之訛瓊髮爲寢陽其下含香不悉巫
峯夜行雨行雲朝莫問荒祠猶在山之顛後王
仍想夢神女不道當時已罔然

塘上行

清水本無波渠柰狂風起吹開淺浪水未平水

邊或有羨魚子魚子何足羨風波可驚還可厭
行子倦游何所得飄飄一舸秋江側君不見渭
川漁父執竿竹終日悠悠情自適

易水歌

山霏霏路濛濛風淒淒水盈盈吁嗟鄉去事成
不成

俠客行

千金之產眼不覩携劍朝出東城路莫宿娼家
樓醉倒意氣瞪雙眸殺人不死死報主嗟嗟白
面羞不與

上之回

非雲香杳香塵平畿民心悅旌麾恭周行蕩蕩
關梁奚征華夷弗相攻日月照耀海山寧君王
坐法宮

五雜組二首

五雜組采綉裳往復還朝日光不得已五就湯

二

五雜組孔雀翎往復還鴻鴈聲不得已欲分羹

自君之出矣二首

自君之出矣玉琴為塵濛思君理冰絃淚下不

成聲

二

自君之出矣誰登明月樓思君望明月皎皎令人愁

接珠行

玉潔不自瑕水清不自暈萬里長安道直行可
前進男兒志有在為婦以其順相逢南北人可
親不可近明珠固重寶接之自莫任即君憐愛
豈不知即君之情顧亦私即君之妾未可犯他
人之偶豈可遺而女既嫁宜真白一辱其身即

○雲仙集卷二
七
污泥父母兄弟莫相見鄉隣閭里亦賤之譬之
素紈入糞窖前洗雖淨人莫披還君明珠君勿
悲與君聊作長相思

二忠詞 宋龍門立

嗟嗟丈夫常不死青天白日今日始當時慷慨
任殺身豈謂名字留青史二臣事節雖不同同
與社稷甘心耳千年肝膽抑誰識宋侯此心諒
相似祠成不朽尚孤忠春秋永享馨香祀

馬鞍山

君不見太行萬里無頭尾北入沙漠南涇水中

有馬鞍時天黨峭獨只在青雲裏馬有鞍兮無
轡勒不見馬兮空此跡安得大馬備此鞍乘馬
突出燕城山

鷓鴣啼

鷓鴣兒樹上啼東風吹樹枝高樓已得所况復愛
鷓鴣時歸飛烟雲不相失又與群鷓下古堞

禽言六首

泥滑滑路阻脩雨濛濛下澗溝不用人扶行獨
憂

提壺盧沽酒去沽酒錯沽醋皺眉呻飲誰與訴

三

行不得哥哥豺狼當道狐狸跳梁過路迷雲昏
阻長河行不得哥哥

四

不如歸去爺娘妻子知何處他鄉縱然樂亦苦
辛不如歸去

五

瘦兒瘦兒肥兒着綿裳瘦兒苦衣單衣單兒耐
冷渠奈爺娘心

六

姑惡姑惡婦勿悲赤心奉承莫違姑覺喜時惡
自衰

新鶯百轉歌

和風處處吹芳草旭日高樓照晴曉上苑花濃
錦繡生鴛鴦池碧樹初青青閑閑細柳裊金縷拂
拂天桃蕩小紅碧欄十二日自麗可憐鳥語春
風情春情不盡語不盡關關錯雜相和鳴斯時
君王在法宮萬幾不暇聞新聲暖風吹過環碧
殿殿下碧水流溶溶值今普天樂太平一人有

道萬國寧鳥獸微物亦得所春光任爾飛流鶯

臨高臺

臨高臺望北極千里萬里雲煙隔遙山遠水兩
悠悠風塵不見長安陌玲瓏綺閣白玉京京華
殿宇深九重明月朗朗秋風清坐間風露秋草
平漢南冀北壘壘塚塚中枯骨何時醒吹洞簫
擊鼉鼓槽槽細撥紅顏舞翠華一醉千黃金莫
使浮生徒浪苦古來賢達皆知音今人莫見古
來人準陶稷契亦已矣伊傅周召名空存終然
都歸無何有莫謂秋吟梁甫吟臨高臺將進酒

日落西山映斜柳晚雲海色景肅踈三山不見

滄州友

襄陽歌

綠綠漢水來河西峴山山頭人欲迷携壺乘醉
者誰子斜日行歌歌銅鞮可憐昔時陽叔子空
踏襄陽漢上泥嗟哉李白何所為天子呼來船
不上一日劇飲成千杯清平調成亦何益徒使
宵腹成糟醅杜陵野老哭未已此公堪上黃金
臺杜鵑一見即下拜錦城愁切吟官梅當時天
下尚露食豈暇鳳管行相隨胡兒塵土滿中國

君父西狩空尊罍洛陽宮殿化烽火南內西苑
生苔莓戚戚此時淚可墮窮窮此時心可哀同
宗莫恤但飲酒可惜不念人誰推昏暝抑羞永
王死夜郎夜夜猿聲來江水月明勿擬捉千年
虛自流荒隈

南都行

石城擬金城江關勝秦關龍蟠千萬里虎踞臨
人寰浩蕩混溟濔迤邐仰高山古來麟鳳地高
舉未可攀卧龍非躍馬冰鑑名人間萬年鍾秀
氣我

祖降自天皇皇定大業金陵非偶然率土盡賓
貢重譯咸歸連六朝空佳麗文教今乃先百世
慕堯舜諸帝勿可班

江上吟

一葉江上飄飄舟青山兩路臨江頭擺脫人間
甚榮辱清風坐穩真安流菊花自愛陶處士竹
枝獨約王子猷古來閑人興不淺豈是無謂心
遨遊

長干行

妾生長干中操節潔於玉嫁與同里兒兩好情

裏悉結髮與絲蘿千秋意深密嫁時十四齡低
回顏自紅嬌羞更含笑轉盼顧西東年始十六
七生死心相隨豈憶卽君去山海隔荒隈

玉壺吟

玉壺注清酒黃金啣舞衣酣醉拍手忽長嘯仰
視白日春風低太行山頭一駐馬拂手雲霧星
辰齊朗吟放達對明月下瞰東海瀆波極撮土
無乃鳳麟洲盤渦應是龍蛇窟龍蛇不在大澤
間麟鳳須期聖人出我生浪跡胡爲者仰賴萬
乘明聖主何當獻策明光宮揄揚九重承恩榮

平臺一日賜顏色顧問時於華蓋中朝天卽今
不復矣骨肉遠處江湖裏安危雖有大臣在非
心孰與平章事補袞今臣不如君調羹未識濟
川人且傾玉壺日沉醉靜待天邊詔敕臨

塞垣曲

玉關烽火晨朝起虜酋來犯邊城壘漢家天子
坐明光將軍長劍連天倚詔令明發下甘泉霜
月清宵虎帳寒金鎗耀破陰陵雪鉄衣雍合祁
連山馬嘶飲盡交河水旌旆飄翻千萬里孤嶂
黃塵暗鼓聲風沙漠漠迷邊城陣雲高結日有

耳刀戟亂下天無情魚貫而進不敢後長驅直
向天山石河套黃毛已遁藏擺邊士馬何惶惶
為謀獨有中丞力犒賞那憐將卒傷歸來且莫
見天子武夫功業文官恥便爾封侯貴幾何即
官門館春風多

棹歌行

落花紅迷蘆花洲晴波蕩漾薰風柔湖光滿眼
藕絲碧倚棹長歌湖裏遊采蓮女子隔河語笑
對落花情幾許不似青樓粉能多玉纖送酒春
風和白璧贈作纏頭錦黃金酬與尊前歌月明

獨照采蓮棹蓮花空自馨香好白蘋江上秋光
生采蓮女子愁無窮夜發清溪猶不寐相思一
曲棹歌中

寒鴉行

秋陰漠漠帶暝色寒鴉群飛過潭澤啞啞聲斷
楚雲遙驚我芸窗棄書帙起看還往亦何定恐
投大樹未可必京客南來歸未得匹馬蕭蕭光
景瑟細雨西風時又更此心料與寒鴉同

除夕

去年除夕燈燭光今年除夕照華堂青尊柏酒

盡一醉但見兒女儼分行自知顏色日枯槁豈
假年歲多徜徉學道無成空已矣髮髮恐爾成
滄浪平生苦樂不悉數勦骸牙齒俱相妨一週
甲子欠十六云此冰炭來我腸世間權樂能有
幾去日難挽直堪傷

遼陽歌

遼陽城居海側東有朝鮮北女直地界遙連胡
虜營人煙已近淳泥國
高皇設兵控四海遼陽城裏軍三萬西上仍連
山海關中州更接黃河岸太平百年

王業隆邊立處處生驕風去年大同逐主帥已
多殺戮方安寧今年遼東疾守將閉門敢伊甘
為抗 詔下仍存撫恤恩蠢爾胡不思皇仁頑
哉互衆自作孽夫討須誅首亂人方今普天俱
宴息萬國來朝共玉帛九有元元况寧謐何事
諸軍自不戢安得勇士守疆場撫劍坐鎮永無
替

招秋山不至歌

秋山山人招不來遠望秋山生暮色伏雨雲催
海上雷踈簷風送嵐光碧棊枰待子白未分酒

盡空人對已醺竹枝葵花紅閣綠荷向榴心清
且真雲仙幽人有高趣迴廊步履行還任座上
無人自雅歌窻前有首尙曾去秋山秋山胡不
歸共我逍遙弄晚暉手持龍頭玉柱杖閑看天
邊鴻鴈飛

東谷丘隱士歌

君不見孔圭移文北山鳥嗟君幽栖世應少石
室春風花自開空崖明月青天小不論寵辱肯
采頤時語功名還絕倒興來無意事塵紛獨與
山中野老好唐虞獨有巢與由百卉焉同一瑤

草搖尾人登五侯門君於五侯跡若掃爭憐人板
七貴家君於七貴跡何討高尚豈擬常隱淪漂
蓬自覺形難槁葛巾野服好容顏可咲東門胡
不早多收柿葉閑著書任剪松毛心未老遠適
應慚世俗名高飛惟是安巢鳥君不見婢態奴
顏事貴豪摠於所得何足道

小亭雜歌六首

小亭日休俯仰忻然見彼花木於情有
感作歌以自放云

翠竹蕭蕭亦何勁扶踈蕭散真堪味傲雪凌霜

柰歲時直節不與凡花并人言梧竹可棲鳳不見鳳兮可柰何夜涼風雨涓涓多月明悠悠清影密閑閑亭院交森集孤根結托知伊是何人為爾嘯終日

二

小畦黃菊芬幽叢移栽帶雨分枝莖愛爾豈讓陶潛翁東籬只待九秋莫寒華却與風霜并意知此時倍精采百花零落君獨在可憐晚節更馨香肯與群芳競春能肯與群芳競春態

三

北堂萱草宜時開春風無何空蕤苔西風淡蕩花色頽吾獨一見心顏摧古云宜男猶未必忘憂何曾返增戚閑庭騷管嗟白日

四

庭前葵花有殊色傾心無那開向日不向掖垣紫禁中遠地無知空窈索孤亭何人種此物異時每使頰沾臆悠哉對爾意忽闌秋風擬恐銷朱顏

五

短榻七尺編長藤吾將高卧時從容不論世事

思古風朴管便覺同義農千夢醒來更何有一
尊聊與開春風手携易書心自閑悠然回首看
東山

六

道冠野服名莫知忘懷得失時怡怡日飲酒兮
亦吟詩看花弄竹臨清漪太平無事自隱遁無
能著述身空棲作策不敢獻天子捫心獨冀唐
虞時

大同軍叛亂

西北密邈俱夷寇累世天驕逞爭鬪

皇祖明明垂訓深大同重鎮連山右藩封茅土
雲中轄城高池深利兵甲百六十年胡騎空三
千里外狼烟歇天城陽和與三衛老家精壯非
流配歲歲行邊逐小王時時操斧編行隊邈來
烽火久不揚一朝變故誰能對天兵咫尺誅強
暴是非激切應難料

夏日登圓通閣

高閣俯闌闌青風來無時浮雲渺渺在椽角泰
華入眼東山卑如來金粟自法象日華照耀真
慈悲漳流曲曲遶其下但見孤霞遠鷺相追隨

澄江遼海亦已遠祥麟瑞鳳今何之天門咫尺
不可到憑闌北望生遐思

宮人入道歌

昔年曾侍長春宮翠蛾初畫閑東風紫裙白襪
綠羅帶胭脂膩粉粧朝容宮中漏滴催鍾響起
簪寶髻停思想祇恐君王不愛憐含情無語金
堦上按歌前殿銀箏拍笛間琵琶還簫篋懽笑
擎杯夜未央春光莫莫何曾歇豈知一夢五十
年星移物換銷朱顏人情冷落時代謝却穿緇
服來參禪僧房寂寞心自定睡竟無復紅樓夢

明月窻虛紙帳閉梅花松幹清霜映可憐世事
未可期少時我亦耽好奇一封朝奏得帝寵二
京數省名懸知文章不識時已諱早謝功名無
所累獨處丘園樂隱淪道人聊爾知吾貴我與
斯人異地同長歌流涕傷我衷長歌流涕傷我
衷

大江行

江水萬里來奔壁乾坤動蕩於其中斷岸崩崖
莫可盡晴天朗月相澄空鯨鰲任躍何以釣無
人敢爾臨深洪周卽戰後水更淺曹瞞已敗人

稱雄地險誰云蜀道難衢塘三峽應無前一朝
無人尚莫守千尋鉄鎖空牽連南人乘船如乘
馬舳艫蔽天何自下以箠投填固非愚千年魚
鮒悲達者

黃河篇

君不見八月天漢清且明銀河水與黃河平浮
槎泛泛不知止只從天上流其盈崑崙之巔有
源瀆曲曲九轉旋坤軸千支萬派奏相將直入
大洋何奔突波濤沸浪天咫尺魚龍變化應無
時滔滔晝夜煙雲迷恒砂深磧不可以目眺洪

流巨蕩相追隨禹跡九州已汨沒周王八馬行
將忽淮中入腹過大甸塞北要荒界砂漠騫老
尋源竟未得胡使覓之但空穴古來黃河啓瑞
圖千年一清駐人出陰陽昏曉自相割招招舟
子亦不惡

天馬歌

玉驄來天閑雪行亦無跡雙耳聽風憶北極織
雲團龍錦障泥間金鞍鞞描黃色連錢飛動意
不驕霜蹄千里恣咆哮宮門餘飼亦已久能知
輿仗趨朝候何事等閑到下落毛骨殊立悲消瘦

春光行

春光窈窕花枝柔，和風滿眼紅欲流。美人皓齒
與明眸，盈盈對花花可羞。八幅越羅通錦帶，一
雙珮玉珊瑚鈎。穩穩腰插瘦，且脩翠桃髮葉鬢。
髮稠牙梳梳掠光，如油文心笑語朱。一點丁香
含吐馨，已周就中孰珍愛。青鸞紫鳳堪相儔，其
間孰貴重。木生連理花，並頭麝蘭飄散室。宇幽
高攀雲馭相遨遊，一曲清歌廣寒殿。仙音縹緲
凌霄樓，春風無跡何所求。月明花落真可憂，月
明花落真可憂。

貧交行

交面甚易得，交心諒知難。世上交心應孰是，奚
須交面徒爾顏。位高金多未可友，終恐背面成
訾。苟誰能不以金位重，推心相置交乃定。

雲仙集卷之二

